

**PEMBERITAHU PERTANYAAN DEWAN RAKYAT**

**PERTANYAAN : LISAN**

**DARIPADA : DATO' HASBULLAH BIN OSMAN [GERIK]**

**TARIKH : 17 JUN 2015 (RABU)**

**SOALAN :** Dato' Hasbullah bin Osman minta MENTERI PERTANIAN DAN INDUSTRI ASAS TANI menyatakan apakah pulangan kepada Rakyat dan Negara melalui ternakan ikan sangkar Talapia di Tasek Temengor yang dikuasai oleh satu syarikat sedangkan Kerajaan telah menyediakan kemudahan berjuta ringgit seperti jeti ikan, jalan raya, rumah kediaman serta pusat penetasan ikan.

**JAWAPAN:**

**Tuan Yang Dipertua,**

Sejak tahun 2010, ternakan ikan tilapia secara komersil telah diperkenalkan oleh Syarikat Trapia di perairan Tasik Temenggor. Projek ini telah menghasilkan pengeluaran ikan tilapia sebanyak 16,442 metrik tan sejak ia mula beroperasi. Pada tahun 2015 sehingga kini, pengeluaran ikan tilapia adalah sebanyak 2,004 metrik tan.

Berikutnya pengoperasian ternakan ikan tilapia di Tasik Temenggor ini, pihak syarikat telah menyediakan peluang pekerjaan kepada penduduk tempatan. Daripada 143 orang pekerja di syarikat tersebut, sebanyak 118 orang (83%) merupakan penduduk tempatan. Pengeluaran ikan

tilapia hasil program ini juga membantu meningkatkan pengeluaran makanan Negara.

Disamping itu, syarikat ini juga telah menjalankan program ladang synerggi yang dipantau oleh Jabatan Perikanan Malaysia. Program ini bertujuan untuk menghasilkan usahawan ternakan tilapia secara intensif. Peserta-peserta yang terpilih akan diberikan latihan oleh pihak syarikat sebelum diberi peluang menjalankan ternakan tilapia dengan menggunakan sangkar milik Jabatan Perikanan Malaysia. Hasil ikan daripada ladang-ladang ini seterusnya akan dibeli oleh pihak syarikat. Sehingga kini, seramai tujuh (7) orang peserta sedang menjalani program ladang synerggi ini dan ianya akan dikembangkan lagi memandangkan program ini berjaya memberi pulangan yang lumayan kepada peserta.